

სახელმწიფო შესყიდვის
ხ ე ლ შ ე კ რ უ ლ ე ბ ა №09

ქ.თბილისი

01 აპრილი 2014 წ.

შემსყიდველი: საჯარო სამართლის იურიდიული პირი კიბერუსაფრთხოების ბიურო (შემდგომში "შემსყიდველი"), დირექტორის არჩილ ჭანტურიას სახით

მისამართი: ქ. თბილისი, ც. დადიანის #30.

საიდენტიფიკაციო კოდი: 200280622;

მიმწოდებელი: შპს „აბე“, დირექტორის ამირან ბოჭორიშვილის სახით

მისამართი: ქ. თბილისი, მირცხულავას 11

საიდენტიფიკაციო კოდი: 401990299

საბანკო რეკვიზიტები: ლიბერთი ბანკი

ბანკის კოდი № -----

ანგარიშის ნომერი ა.ა. GE28LB0113180855242000

1. ხელშეკრულების საგანი

1.1. ხელშეკრულების საგანია გამარტივებული შესყიდვის საშუალებით სახელმწიფო ბიუჯეტის სახსრებით "სახელმწიფო შესყიდვების შესახებ" საქართველოს კანონის მე-3-ე მუხლის პირველი პუნქტის "ს" ქვეპუნქტის 2ც მეტალის გისოსი და 1ც მეტალის კარები (CPV 44400000) შესყიდვა.

დასახელება	რაოდენობა	ზომები (სმ)	ფასი (ლარი)
მეტალის გისოსი	2 ცალი	2.22X1.55	500
მეტალის კარები	1 ცალი	2.20X90	520

2. ხელშეკრულების ღირებულება

2.1. შესყიდვის ობიექტის ფასი განისაზღვრება ლარებში.

2.2. შესყიდვის ობიექტის საერთო ღირებულებაა 1020 (ათასოცი) ლარი;

2.3. ხელშეკრულების ფასი შეიცავს "მიმწოდებლის" ყველა ხარჯებს, დაკავშირებულს საქონლის მიწოდება და მონტაჟი "შემსყიდველისათვის" საკუთრებაში გადაცემასთან, ასევე კანონმდებლობით დადგენილ ყველა გადასახადს.

3. საქონლის მიწოდების ვადები და პირობები

3.1. შესყიდვის ობიექტის მიწოდებას უზრუნველყოფს "მიმწოდებელი" საკუთრი ხარჯებით.

3.2. საქონლის მიწოდების ადგილია: ქ. თბილისი, ც. დადიანის ქ. #30

3.3. საქონლის მიწოდების თარიღად ითვლება "შემსყიდველის" მიერ მიღება-ჩაბარების აქტზე ხელმოწერის თარიღი.

3.4. "მიმწოდებელი" ვალდებულია მიაწოდოს „შემსყიდველს“ ხელშეკრულებით გათვალისწინებული საქონელი ხელშეკრულების გაფორმებიდან 2014 წლის 15 აპრილის ჩათვლით, შემსყიდველი ორგანიზაციის მოთხოვნის შესაბამისად.

3.5. საქონლის მიწოდების პარალელურად "მიმწოდებელი" უზრუნველყოფს თანმხლები დოკუმენტაციის წრმოდგენას, კერძოდ, საგადასახადო ანგარიშგაქტურას და/ან სასაქონლო ზედნადებს.

4. შესყიდვის ობიექტის ხარისხი და გარანტია

4.1. "მიმწოდებელი" იღებს ვალდებულებას, რომ მიწოდებული საქონლის ხარისხი უპასუხებს ამ სფეროში არსებულ სტანდარტებს და დააკმაყოფილებს "შემსყიდველის" მოთხოვნებს.

4.2. "მიმწოდებელი" იძლევა გარანტიას, მიწოდებული ობიექტის ხარისხი უპასუხებს ხელშეკრულების პირობებს და დააკმაყოფილებს "შემსყიდველის" მოთხოვნებს.

5. შესყიდვის ობიექტის მიღება-ჩაბარების წესი

5.1. საქონლის მიღების შედეგების მიხედვით "შემსყიდველისა" და "მიმწოდებლის" საამისოდ უფლებამოსილი წარმომადგენლები ადგენენ საქონლის მიღება-ჩაბარების აქტს და ხელს აწერენ მას.

5.2. შესყიდვის ობიექტი ან მისი ნაწილი (ეტაპი) მიღებულად ჩაითვლება მხოლოდ მიღება-ჩაბარების აქტის გაფორმების შემდეგ, "შემსყიდველისა" და "მიმწოდებლის" საამისოდ უფლებამოსილი წარმომადგენლების ხელმოწერით.

5.3. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირს წარმოადგენს: ლოგისტიკის განყოფილების უფროსი;

5.4. "მიმწოდებლისაგან" საქონლის მიღებისას "შემსყიდველი" ამოწმებს მისი დასახელების, რაოდენობისა და ღირებულების შესაბამისობას.

6. ანგარიშსწორების ფორმა, გრაფიკი (ვადები) და ადგილი

6.1. "მიწოდებული" ობიექტის ღირებულების ანაზღაურება მოხდება უნაღლო ანგარიშსწორებით.

6.2. "შემსყიდველი" ვალდებულია (ეტაპობრივად ან უამისოდ) მოახდინოს ანგარიშსწორება "მიმწოდებელთან" ამ უკანასკნელის მიერ საქონლის მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან არა უგვიანეს 30 (ოცდათი) დღისა.

6.3. მიღება-ჩაბარების აქტის გაფორმებასთან ერთად, "მიმწოდებელი" ვალდებულია წარმოუდგინოს "შემსყიდველს" საქართველოს კანონმდებლობით გათვალისწინებული შესაბამისი საგადასახადო დოკუმენტაცია. წინააღმდეგ შემთხვევაში, "შემსყიდველს" უფლება აქვს უარი თქვას ანგარიშსწორებაზე.

7. მხარეთა უფლება-მოვალეობანი

7.1. "შემსყიდველი" ვალდებულია:

7.1.1. უზრუნველყოს მისთვის გადაცემული საქონლის შესაბამისი ანაზღაურების გადახდა "მიმწოდებლისათვის" წინამდებარე ხელშეკრულების პირობათა სრული დაცვით.

7.1.2. მიწოდებული საქონლის შესახებ მხარეთა შორის დადგენილი ფორმის მიღება-ჩაბარების აქტის გაფორმება უნდა მოხდეს საქონლის მიწოდებიდან არანაკლებ 7 (შვიდი) სამუშაო დღისა.

7.1.3. წერილობითი ფორმით გონივრულ ვადებში აცნობოს "მიმწოდებელს" საქონლის შემოწმების დროს აღმოჩენილი რაიმე წუნის შესახებ.

7.1.4. დაიცვას ხელშეკრულებით გათვალისწინებული პირობები.

7.1.5. უზრუნველყოს შესყიდვის ობიექტის მიღება.

7.2. "შემსყიდველი" უფლებამოსილია:

7.2.1. "მიმწოდებლისაგან" მოითხოვოს უფლებრივად და ნივთობრივად უნაკლო საქონლის ხელშეკრულებით დადგენილი ოდენობით და ვადაში მიღება.

7.2.2. "მიმწოდებლის" მიერ ხელშეკრულებით გათვალისწინებული პირობათა შეუსრულებლობის შემთხვევაში შეწყვიტოს ხელშეკრულება.

7.2.3. თვით ან მოწვეული ექსპერტების მეშვეობით დაუბრკოლებლივ განახორციელოს "მიმწოდებლის" მიერ გადაცემული საქონლის ხარისხის შემოწმება.

7.2.4. "მიმწოდებლისაგან" მოითხოვოს საქონლის გადაცემის შესახებ დადგენილი ფორმის მიღება-ჩაბარების აქტის გაფორმება.

7.2.5. შეამოწმოს შესყიდვის ობიექტის (საქონლის) ხარისხი.

7.2.6. მოსთხოვოს "მიმწოდებელს" ხელშეკრულების ჯეროვანი, დროული და კეთილსინდისიერი შესრულება.

7.3. "მიწოდებელი" ვალდებულია:

7.3.1. ხელშეკრულებით დადგენილ ვადაში, ხელშეკრულებით დადგენილი ოდენობით და ღირებულებით მიაწოდოს უფლებრივად და ნივთობრივად უნაკლო საქონელი.

7.3.2. ხელშეკრულების მოქმედების პერიოდში "შემსყიდველს" წარუდგინოს საქონელთან დაკავშირებული ნებისმიერი სახის ინფორმაცია და დოკუმენტები.

7.3.3. საკუთრი ხარჯებით უზრუნველყოს "შემსყიდველის" მიერ გამოვლენილი საქონლის მდგომარეობასთან დაკავშირებული ყველა ნაკლის აღმოფხვრა.

7.3.4. საქონლის მიწოდებასთან დაკავშირებით მოთხოვნის შემთხვევაში წარუდგინოს "შემსყიდველს" მიწოდებული საქონლის შესახებ შესაბამისი პირველადი დოკუმენტაციის ასლები და ანგარიში, რომლის შემდეგაც ფორმდება დადგენილი ფორმის მიღება-ჩაბარების აქტი, რომელიც თან ერთვის ხელშეკრულებას და წარმოადგენს მის განუყოფელ ნაწილს.

7.3.5. დაუყოვნებლივ აცნობოს "შემსყიდველს" ხელშეკრულებით გათვალისწინებული ვალდებულებების შესრულების შეუძლებლობის ან/და ხელისშემშლელ დაბრკოლებათა შესახებ.

7.3.6. ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს შემსყიდველს შესაბამისი თანხმობის მისაღებად.

7.3.7. დაიცვას ხელშეკრულებით გათვალისწინებული ყველა პირობა.

7.3.8. ხელშეკრულებიდან გამომდინარე გადაიხადოს საქართველოს კანონმდებლობით გათვალისწინებული გადასახადები.

7.4. "მიწოდებელი" უფლებამოსილია:

7.4.1. "შემსყიდველისაგან" მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

7.4.2. მოითხოვოს "შემსყიდველს" მიწოდებული საქონლის ღირებულების ანაზღაურება ხელშეკრულებით გათვალისწინებული პირობების შესაბამისად.

8. ხელშეკრულების კონტროლის პირობები

8.1. "შემსყიდველი" უფლებამოსილია საქონლის მიწოდების პარალელურად მოახდინოს მიწოდებული საქონლის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და "შემსყიდველის" მოთხოვნებთან.

8.2. შემოწმების შედეგად გამოვლენილი ნებისმიერი ნაკლის ან დეფექტის შესახებ "შემსყიდველი" დაუყოვნებლივ წერილობით აცნობებს "მიწოდებელს" დაწუნებული საქონლის რაოდენობისა და წუნდების მიზეზების მითითებით.

8.3. გამოვლენილი დეფექტის ან ნაკლის აღმოფხვრასთან და ხელახალ კონტროლთან (ინსპექტირებასთან) დაკავშირებული ხარჯების ანაზღაურება ეკისრება "მიწოდებელს", საქართველოს კანონმდებლობით დადგენილი წესით.

8.4. ხელშეკრულების კონტროლს (ინსპექტირებას) "შემსყიდველის" მხრიდან განახორციელებს: ლოგისტიკის განყოფილების უფროსი;

8.5. ხელშეკრულების კონტროლი განხორციელდება პერიოდულად, წარმოქმნილი საჭიროებიდან გამომდინარე.

8.6. "მიწოდებელი" ვალდებულია საქონლის მიწოდების განხორციელების დროს კონტროლის(ინსპექტირების) ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელისშემშლელი პირობები და შესასყიდ საქონელთან დაკავშირებით წარუდგინოს ნებისმიერი სახის ინფორმაცია და დოკუმენტები.

9. უფლებების გადაცემა

- 9.1. არც ერთ მხარეს არა აქვს უფლება ამ ხელშეკრულებით გათვალისწინებული თავისი უფლებები და მოვალეობები მთლიანად ან ნაწილობრივ გადასცეს მესამე პირს მეორე მხარის წერილობითი თანხმობის გარეშე
- 9.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებით და რისკით.

10. ფასები და ხელშეკრულების გადასინჯვის შესაძლებლობები

- 10.1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 10.2. ხელშეკრულებით ღირებულებითი პარამეტრების შეცვლა ხელშეკრულების მოქმედების პერიოდში დასაშვებია მხარეთა მიერ წერილობითი შეთანხმების საფუძველზე.

11. სუბკონტრაქტორები

- 11.1. "მიმწოდებელმა" წერილობით უნდა აცნობოს "შემსყიდველს" ხელშეკრულებიდან გამომდინარე გასაფორმებელი ყველა სუბკონტრაქტის შესახებ, რომელსაც თან უნდა დაერთოს დასადები ხელშეკრულების პროექტის ასლი.
- 11.2. ხელშეკრულების ფარგლებში არც ერთი სუბკონტრაქტი არ ათვისუფლებს "მიმწოდებელს" ხელშეკრულებით ნაკისრი ვალდებულებებისაგან.

12. შეტყობინება

- 12.1. მხარის მიერ ნებისმიერი შეტყობინება ხელშეკრულების შესაბამისად მეორე მხარეს გაეგზავნება წერილობითი სახით, ხელშეკრულებაში მითითებულ მისამართზე.
- 12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ რომელი უფრო გვიან დგება.

13. ხელშეკრულების შესრულების შეფერხება

- 13.1. ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.
- 13.2. იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. ფორს-მაჟორული სიტუაცია

- 14.1. მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შესრულებლობისათვის დაუძლეველი ძალის ზემოქმედებით გამოწვეული გარემოებების შემთხვევაში.
- 14.2. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება დაუყოვნებლივ წერილობით უნდა აცნობოს მეორე მხარეს ამის შესახებ.
- 14.3. მხარე არ თავისუფლდება პასუხისმგებლობისაგან, თუ კი ფორს-მაჟორული გარემოების დადგომამდე გონივრულ ვადაში შესაძლებელი იყო ნაკისრ ვალდებულებათ შესრულება.

15. დავები და მათი გადაწყვეტის წესი

15.1. ხელშეკრულების შესრულების პროცესში მხარეთა შორის წამოჭრილი დავები ან აზრთა სხვადასხვაობა გადაწყდება ურთიერთ მოლაპარაკების გზით.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების პირობების შეუსრულებლობა

16.1. ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით. თითოეული მხარე ვალდებულია მეორე მხარეს აუნაზღუროს ვალდებულებების შეუსრულებლობით გამოწვეული ნებისმიერი პირდაპირი თუ არაპირდაპირი ზიანი;

16.2. "შემსყიდველის" მიერ ფინანსური ვალდებულების დროულად შეუსრულებლობის, ან არაჯეროვნად შესრულების შემთხვევაში "მიმწოდებელს" უფლება აქვს დააკისროს საურავი იმ პერიოდისათვის არსებული ფინანსური ვალდებულების 0.1%-ის ოდენობით ყოველ ვადაგადაცილებულ დღეზე.

16.3. "მიმწოდებლის" მიერ ნაკისრი ვალდებულების დროულად შეუსრულებლობის, ან არაჯეროვნად შესრულების შემთხვევაში "შემსყიდველს" უფლება აქვს დააკისროს საურავი იმ პერიოდისათვის არსებული ფინანსური ვალდებულების 0.1%-ის ოდენობით ყოველ ვადაგადაცილებულ დღეზე.

16.4. საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან 30 (ოცდაათი) კალენდარული დღის ვადაში.

16.5. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

16.6. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით ხელშეკრულების საერთო ღირებულების 5 %-ის ფარგლებში.

17. ხელშეკრულების მოქმედების შეწყვეტა

17.1. ეს ხელშეკრულება შეიძლება შეწყდეს მხარეთა შეთანხმებით ან ერთ-ერთი მხარის მიერ ამ ხელშეკრულების პირობების დარღვევის შემთხვევაში. ხელშეკრულების ცალმხრივი შეწყვეტა მხარის მიერ ხდება გაგზავნილი წერილობითი შეტყობინების გზით, სადაც მითითებული იქნება შეწყვეტის საფუძველი. თუ პასუხი შეტყობინებაზე არ არის მიღებული 3 (სამი) დღეში (შეტყობინების გაგზავნის დღიდან ან ადრესატის მიერ შეტყობინების მიღების სავარაუდო დღიდან) მაშინ ამ ვადის დამთავრების შემდეგ ხელშეკრულება შეწყვეტილად ითვლება.

17.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

18. ხელშეკრულების მოქმედების ვადა

18.1. ხელშეკრულება ძალაში შედის მხარეთა მიერ ხელმოწერის (გაფორმების) დღიდან და მოქმედებს 2014 წლის 30 აპრილის ჩათვლით

19. სხვა პირობები

- 19.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გადრმავების სურვილით.
- 19.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 19.3 მხარეები ხელშეკრულებაზე ხელმოწერით ადასტურებენ, რომ აღნიშნული შესყიდვის განხორციელებაში მათი მონაწილეობა არ იწვევს ინტერესთა კონფლიქტს.
- 19.4. ხელშეკრულების მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 19.5. წინამდებარე ხელშეკრულების ნებისმიერი ცვლილება და დამატება ძალაშია მხოლოდ მას შემდეგ თუ ის შედგენილია წერილობითი ფორმით და ხელმოწერილია მხარეთა მიერ.
- 19.6. ამ ხელშეკრულების დანართები შეადგენენ მის განუყოფელ ნაწილს და თან უნდა ერთვოდეს მას.
- 19.7. წინამდებარე ხელშეკრულება შედგენილია ქართულ ენაზე, ორ ეგზემპლიარად, რომელთაგან თითოეულს აქვს თანაბარი იურიდიული ძალა და ინახება მხარეებთან (ერთი პირი "მიმწოდებელთან" და ერთი პირი "შემსყიდველთან"). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

20. მხარეთა იურიდიული მისამართები და რეკვიზიტები

„შემსყიდველი“
საჯარო სამართლის იურიდიული პირი
კიბერუსაფრთხოების ბიურო

დირექტორი
არჩილ ჭანტურია

იურიდიული სამმართველო
ნათია მელელაშვილი
შესყიდვების განყოფილების უფროსი
ნინო ქერაშვილი

„მიმწოდებელი“
შპს „აბე+“

დირექტორი
ამირან ბოჭორიშვილი

